

11 Ngā hononga tāngata

Te hanga hononga

Mahere wātū

Ngā karere matua

- Mā te kōrero ki ētahi atu mō ōku wawata aramahi e āwhina ki te hanga arawātea mō aku huarahi aramahi ki tua.
- He mea hira te rapu me te tūhonohono ki ngā tāngata he takatika tō rātou aweawe ki aku kōwhiringa mō tōku ora.

Te raupapa wātū

1. Whakamaharatia ngā rangatahi ki te wā i noho ai ō rātou tūpuna i Aotearoa me te wā i tae ai ngā tauhou ki tō ratou rohe. Whakamōhiohia atu anō ngā rangatahi ki te pai o ā rātou tūpuna hanga taura whiri ā-tangata. Matapakia ēnei pātai:
 - He mea tono ngā momo aha e ngā tāngata hou i ō rātou tūpuna? (me pēhea te kimi kai, ngā momo rawa e wātea ana mō te hanga whare, me pēhea te rapu ara i te ngahere)
 - I pēhea ngā tāngata i mōhio ki aua mea? (i pātai i ngā tūpuna, nā te whakamātautau āhuatanga, nā te whakahoahoa ki ngā tūpuna).
2. Matapakina ki ngā rangatahi te hira o te kōrero ki ētahi atu mō ō rātou wawata aramahi me ō rātou kaingākau. Ko te tikanga mōhio ai tātou ki tētahi tangata e mōhio ana ki tētahi atu, ā, māna pea e āwhina. Pātai mēnā kua whai wheako tētahi o te kite i tētahi arawātea whiwhi mahi mā tētahi hoapā.
3. Ki atu ki ngā rangatahi mā rātou e purei tētahi kēmu. Hoatu te ngohe Hanga hononga ki a rātou. Me whakamārama, me kōrero rawa rātou ki ētahi atu rangatahi kia kite ai i ētahi e ōrite ana ki ngā mōhiohia kei a rātou i tā rātou raumahi – engari rawa he here.
 - Me mātua ngana ngā rangatahi ki te whakaoti i ā rātou raumahi kei noho tonu ana i ō rātou tūru.
 - Ka pau te rua meneti, ka āhei ki te hīkoi huri noa i te akomanga kia kitea ai tētahi e ōrite ana ki tā rātou raumahi.
 - Me kawē tahi ngā raumahi e rātou i ngā wā katoa.
 - Kia kite koe i tētahi e ōrite ana ki te whakaahuatanga, me haina rawa taua tangata i tōna ingoa ki te āputa kua whakaratohia.
 - Ko ngā rangatahi e toru tuatahi ki te whakaoti i ā rātou raumahi, ko rātou ngā toa.

Matapakina:

- E hia ngā hainatanga i whiwhi koe i a koe e noho ana?
- E hia atu anō ngā hainatanga i whiwhi koe i a koe e hīkoi ana huri noa i te akomanga?
- I pēhea ngā toa i whakaoti tuatahi ai i ā rātou raumahi?

Ngā āheinga aramahi matua

Me whakapūmau he rōpū tautoko.

Whakaatu māramatanga ki te hira o te noho tūhake me te whiwhi tautoko i taua wā anō i ētahi atu mō te whakatau me te whakamahere aramahi.



Ngā pātai matua

Ka kōrero atu pea koe ki a wai mō tō anamata?

Ko wai mā ētahi tauira takatika e hiahia ana ki te hono atu ki a rātou?



Ngā rauemi tautoko

Kaiārahi PowerPoint 11

Ngohe rangatahi: Rau ngohe hanga hononga

Ngohe rangatahi: Mahere mahi aramahi Whenua (Wātū 8)



Roanga

40-50 meneti

11 Ngā hononga tāngata

Te hanga hononga

Mahere wātū (e haere tonu ana)

4. Kōrero atu ki ngā rangatahi mō ngā mea e māmā ake ai, e uua ake ai rānei te hono atu ki ngā tāngata ka āwhina pea i a rātou ki ō rātou huarahi aramahi.
 - He aha ngā kōrerorero ka puta pea e mohiotia ai ētahi atu ki tō whakaaro aramahi?
 - He aha e māmā nei, e uua nei rānei te hono ki ētahi atu?
 - Me aha ki te kore ētahi atu e āwhina?
 - Me aha pea tō waiaro?
5. Tonoa ngā rangatahi kia whakaoti i te wāhanga Te waka o tā rātou mahere mahi aramahi Whenua.